



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DLXXVII. ad annum DXC.

**Parisiis, 1644**

XVIII. Quod semel in anno ad Concilium sacerdotes & iudices, atque actores patrimonii fiscalis nostri debeant conuenire.

**urn:nbn:de:hbz:466:1-15221**

ferrentur, inter cetera tantæ crudelitatis est opus  
nuntiatur, quantum ferre confedentium aures sa-  
cerdotum non possent; ut in quibusdam Hispaniæ  
partibus filios suos parentes interimant, <sup>1</sup> fornicationis auidi, nescii pietatis. Quibus si tædium est  
filios numerosos agere, prius seipsum debent castigare a fornicatione: nam dum causa propagandæ  
prolis sortiuntur coniugia, hi & parricidio, &  
fornicationi tenentur obnoxii, qui <sup>\*</sup> fetus necan-  
do proprios, docent se, non pro filiis, sed pro li-  
bidine <sup>\*</sup> sociari. Proinde tantum nefas ad cogniti-  
onem gloriosissimi domini nostri Reccaredi regis  
perlatum est; cuius gloria dignata est iudicibus ea-  
rumdem partium imperare, ut <sup>\*</sup> hoc horrendum  
facinus diligenter cum sacerdote <sup>\*</sup> perquirant, &  
adhibita severitate prohibeant. Ergo & sacerdotes  
locorum hæc sancta Synodus dolentius convenit,  
ut idem scelus cum iudice curiosius quærant, & si-  
ne capitali vindicta acriori disciplina prohibeant.

## XVIII.

Decr. Iuo.  
p. 4. c. 244.

Præcipit hæc sancta & <sup>\*</sup> veneranda Synodus,  
ut stante priorum auctoritate Canonum, quæ bis  
in anno præcipit congregari Concilia, consulta  
itineris longitudine, & paupertate ecclesiarum Hi-  
spaniæ, semel in anno in locum quem metro-  
politanus elegerit episcopi congregentur: iudi-  
ces vero locorum, vel actores fiscalium patrimo-  
niorum, ex decreto gloriosissimi domini <sup>\*</sup> nostri  
simul cum sacerdotali Concilio, <sup>\*</sup> autumnali tem-  
pore, die Kalendarum Nouembrium in vnum  
conveniant; ut discant, quam pie & iuste cum

ANNO  
CHRISTI  
589.

<sup>\*</sup> filios

<sup>\*</sup> vxores  
ducere.

<sup>\*</sup> amo-  
uendum  
tantum  
facinus  
<sup>\*</sup> procu-  
rent, al.  
requirant.

<sup>\*</sup> vniuer-  
salis

<sup>\*</sup> nostri  
Reccare-  
di regis  
<sup>\*</sup> aut ver-  
nali tem-  
pore, aut  
die Kal.



ANNO  
CHRISTI  
89.

\* iniustis  
vedigali-  
bus &  
immode-  
ratis exa-  
ctionibus  
iplos pre-  
mant, sed  
potius  
per misse-  
rationem  
compa-  
tientes, a  
grauami-  
nibus de-  
fendant,  
vt bonos  
populi  
tutores  
facere de-  
cet, nec  
in anga-  
riis,  
\* prospe-  
ctatores  
\* quid per  
prouin-  
cias in  
suo de-  
trimento  
præstare  
debeant  
iudices, si  
ad Con-  
cilium  
non ve-  
nerint.  
Conci-  
liū vero

populis agere debeant, ne \* in angariis, aut in ope-  
rationibus superfluis, siue priuatum honorent, siue  
fiscalem grauent: sint enim \* prospectores episcopi  
secundum regiam admonitionem qualiter iudices  
cum populis agant; ita vt ipsos præmonitos corri-  
gant, aut insolentias eorum auditibus principis in-  
notescant. Quod si correptos emendare nequie-  
rint, & ab ecclesia, & a communione suspendant.  
A sacerdote vero & a senioribus deliberetur, \* quod  
prouincia sine suo detrimento præstare debeat iu-  
diciū; Concilium autem non soluatur, nisi lo-  
cum prius elegerint, quo succedente tempore ite-  
rum ad Concilium veniatur: vt iam non necesse  
habeat metropolitanus episcopus pro congregan-  
do Concilio literas destinare, si in priori Concilio  
tempus omnibus denuntietur, & locus.

XIX.

Multi contra Canonum constituta sic ecclesias,  
quas ædificauerint, postulant consecrari, vt dotem,  
quam ei ecclesiæ contulerint, censeant ad episco-  
pi ordinationem non pertinere: \* quod factum &  
in præteritum displicet, & in futuro prohibetur,  
sed omnia secundum constitutionem antiquam ad  
episcopi ordinationem & potestatem pertineant.

XX.

Multorum querela hanc constitutionem exe-  
git; quia cognouimus episcopos per parochias suas  
non sacerdotaliter, sed crudeliter \* desæuire: & dum  
scriptum sit: *Forma estote gregi, neque dominantes in*  
*clero*, exactiones diœcesi suæ, vel damna infligunt.  
Ideoque (excepto quod veterum constitutiones a

Q iij

10. q. 1. Sic  
quidam.  
Burch. lib.  
3. cap. 10.  
Iuo p. 3. c.  
23.

10. q. 3.  
Quia cog-  
nouimus.  
Dec. Iuo.  
part. 3. c.  
137.

1. Petr. 5.